

重印信陽州志

魯青潘岱鍾署

地 150.237
134.1
= 1~4

序	目錄	姓氏
凡例	各圖	
卷之一	天文志	輿地志
卷之二	建置志	
卷之三	食貨志	

重印信陽州志

曾照題



重印信陽州志

中華書局影印
重印信陽州志

叙

州以信陽名自宋之信陽軍始信同申故舊誌曰卽申陽也申爲四岳之裔國於鄆阨之北淮水之南歷虞夏商以至於周季而後亡周宣王時申侯以賢入爲卿士佐王有功加封於謝以式南國謂之曰申伯蓋古方伯之義也再世而謝入於楚獨始封之申多歷年所豈非三關之隘號稱天險國小而倚以爲固又以申伯之厚德政化漸摩澤民深而貽謀遠非他國所可及者乎今之爲誌者條分類析大畧相同序誌者亦以紀先後纂葺之勤而外此無可傳述以爲來者告顧予於斯誌竊有感焉蓋國有與立惟地與人得地則疆圻可守得人則司牧有資史表三關之雄詩著申伯之美亦旣信而有徵已伏念

國家聲教自北而南鄆阨諸關居楚豫之交允宜屬豫以控楚而沿前朝之舊與楚之應山縣畫關爲界且關門啓閉

委諸應山焉雖王者大一統之義未肯輕爲改制然因其事之所起相其時之所宜神而明之存乎其人魏書有云地有常險守無常勢斯言足以蔽之矣至於司牧之道今古同揆吉甫之誦曰申伯之德柔惠且直揉此萬邦聞於四國則當日之所以治申者概可知已民氣多悍馴之以柔民力多疲恤之以惠民情多虞詐示之以直柔以易俗惠以遂生直以復性三者舉而王道備矣揉萬邦聞四國推而行之無不準况區區一申乎履常則法古以宜今應變則捍外以衛內三復斯編其奉以爲此邦之治典可也余不敏奉

命觀察豫南信牧張公爲庚戌同年友取前志而增修之於其成也不揣固陋綴以一言未審來者以爲何如而張見之獨欣賞不置申伯之風亦復去人何遠哉時

乾隆十四年五月上浣

賜進士出身

特授中憲大夫河南按察使司副使分巡南汝光兼管水利
道紀錄八次山陰任弘業撰

重修信陽州志序

郡邑之有志乘猶王國之有史書所以褒德錄賢發潛摭幽獎風俗興教化備輶軒之採者也顧史之修或在數百年以後而志則宜隨時紀載蓋史以事繫人朝廷數大政承宣有職簪筆有官典至重也故事傳而人亦與俱傳若志則因人繫事窮簪慕義何關廟謨深閨矢節寧望旌揚膠庠無篤古之彥鄉黨鮮月旦之評當其時猶相與嗟嘆迨人往風微而其事亦因之盡泯善行頽廢風俗不隆職此之故予故謂志之宜修較史尤亟亟也雖然有難焉者貪多務富去取不嚴則失之濫輕聽妄信考核不精則失之誣養尊處優憚勤延訪又掛一而漏萬矣自非高才博學留心民隱欲其纂言載筆勒一代之成書也知其有所不能信陽爲古申伯國當豫楚之門戶層巒疊抱瀕水環繞其間英傑挺生忠義奮起人物熙豐宛然一大都會

也從前豈無志乘然世代相沿兵燹屢遇收拾于煨燼者不過什一之於千百耳順治十七年前牧賈君創爲權輿迨康熙庚午陳君繼修其中輿地沿革河源出沒頗多錯訛要亦因陋就簡未可指爲一代之成書也矧去今五十餘年風氣日開制度凡幾更定生聚教養凡幾於變山川繡錯犬牙相維凡幾斟酌殆未可更僕數矣夫人一身之所閱歷往往板橋茅屋楊柳烟村五十年以前之所有再往過之或失踪跡也高臺曲池青雀黃龍五十年以前之所無今往過之居然鬧市矣則夫通都大邑之內上下五十年間紛紜變置寢傳寢失湮沒而不彰者可勝道哉假而不急爲之搜輯將更歷數年或數十年老成益謝文獻無徵是使一州之人風物產節義文章都歸風雨而泯泯棼棼以至於盡也山靈且笑人矣伊誰之責哉州守張君篤學好古到任未及兩載卽取前志而續修之舉凡疆域

變遷淮瀡源流前志所訛皆與

大副憲任公博考羣書悉爲校正食貨典禮因時制宜前志之所未備盡爲增入至選舉人物零落凋殘於五十餘年之間者則取州孝廉萬君彙集底本藉爲梗概而時與州之縉紳學士廣搜博訪發凡起例別類分門經寒暑而書乃成因以問序於予予不禁因之有感矣士人讀書萬卷自矜博洽欲爲當代偉人及一旦出宰方州馳情曠達一切興廉舉孝礪俗維風之政度外置之此謝靈運畢卓諸君子輩之所以見譏於時也又或虛名純盜諉託非人聲氣相通者登諸錦帙單寒無告者遺其褒揚曾稗官野史之不若尙可以激濁揚清信今而傳後也乎今觀是編華實並茂繁簡俱宜真可謂不濫不誣不漏而乎一代之典章亘千秋而不朽者也他日輶軒命使問民風訪故老求里中軼事以爲修明

國史之補請卽持是書以獻也可

皆

乾隆十四年仲夏

特授中憲大夫知河南南陽府事前護理南汝光道加一級
江夏崔應階撰

重修信陽州志序

域中有四大史居其一志也者與史相表裏者也二十一家以後至有明而制綦詳通志以下有郡志郡志以下有州縣志經經緯緯詳略辨焉蓋以土著之人言土著之事耳目皆親善敗自切所謂觀指羅而數家珍不患不悉由郡而省以是爲斷而尙慮不足爲信史乎哉申國近楚爲兩河之衝其因革利害種種關於全豫不小舊志創於勝朝神廟時宗伯何公洛文大叅劉公尙朴寔成之至康熙十六年州守賈公待旌與邑劉君蓀芳等重輯之踵事增華亦旣斐然眉列矣自是以來又且六十餘年幸際聖朝景運之隆規制日益備風物日益盛其典例之增置人文之興起嘉言善行之旌賞累積烏容聽其烟微雲散也哉歲在庚申余以菲材膺斯民社之寄下車以後慶際昇平嘉與士民鼓舞於絃歌耕鑿之餘思欲一爲補緝以接

前軌之清塵而方伯趙公檄適下乃亟爲之設局儲材屬邑之名孝廉萬君侯等或稽之則例或諮之老成或按之家乘或叅之輿論其考核也務精其討論也務詳其澄清登進也務嚴而公幾閱月體粗具猶恐耳目未徧遐僻或遺囑諸生寧爲鄒遲勿爲枚速也未幾而余已解組矣稿未獲上欣逢觀察任公學搜二酉才具三長爲之總裁而清苑張君繼蒞茲土向之自慚無文者乃更居藻采壁壘一新非復灞上棘門之舊幾於宗伯之得大叅矣抑余思志之累須於修也豈僅爲學士欺淹博方輿節觀瞻耶蓋星紀山川都鄙雖不易而法制之更置戶口之蕃息文物聲華之乘除則與時俱易者苟勿爲之增所必增續所必續將良法易湮芳型莫闡奚以示來茲昭法守而資勸誠與今幸克觀厥成則疆里正而豪右之窺伺息徵發清而奸猾之乾沒除名宦鄉賢舉而士大夫之禮義以

興忠孝節義具列文事武備均修而自閨門以及邦國之風化以振至於考災祥以徵人事著利弊以善機宜賞奇析疑之不苟魯魚亥豕之必嚴皆於是備庶由郡志省志以上諸太史稍資金馬石渠之採擇因以黼黻皇猷鳴我累聖休明之邇治俾麟炳於千禩也豈不盛哉豈不盛哉

皆

乾隆己巳歲中秋月

特授奉直大夫前知信陽州事二韓馮原撰

續修信陽州志序

申陽名郡也肇自何代封自何人星分何宿疆隸何屬按圖而考了如燃犀古人之餉我厚矣哉雖然天地之化往過來續譬之渴虹飲水霜凖搏天瞥然一見轉眼滅沒隙駒轉轡千古直瞬息間耳古人不得已筆之簡牘以遺後人非敢與天地爭也昔先王輯訓典而國無奸民蓋鑑懸則不敢欺以妍媸繩陳則不能枉以曲直先民有言國史邑乘暗室一燈後之視今與今之視昔將無同耶州治地不數圻物產貢賦猶得比於古之小諸侯况道當子午衝三楚咽喉亦全豫門戶陸有車馬水有帆檣貨聚人稠聲氣四達洋洋乎南州一大都會也他如右枕賢首背帶長淮瀟水橫亘於南龜山雄峙於東淑靈和清之氣孕育磅礴鍾之人物必有月異而歲不同者芳規高躅猶在人間不思收而輯之以示來許聽其與洛陽銅駝同漸滅乎荒

烟蔓草之中亦邑大夫之恥哉古者三十年爲一世文章制度或不能無小過不及之差積漸之勢然也州志輯於前牧賈君越三十年再續於陳君迄今又五十年矣其間科名宦績古誼貞微仙靈儒釋之奇踪騷人逸客之高詠分類增輯梓成一書可以表典型可以拯廢墜洵不朽之盛事也余於丁卯年來牧茲土他務未遑卽訪諸於掌故者若而人取州志而續修之聞前牧馮公曾延孝廉萬君同諸生彙成數帖因收爲藍本復相與披金於沙磧採蘭於蒺藜損之益之刪之補之閱一歲而脫稿若夫上下千百年考疆域之沿革搜河道之源流批金根之誤辨豕亥之疑我

觀察任憲實摠其成於是乎百里疆索在掌握中矣蘇子曰自其變者而觀之天地曾不能以一瞬然則五十年已在風馳電掣轉眼滅沒之中暗室一燈端賴茲編之存也

運會方隆治理日上後之來者周諮美蹟相時而續修之以爲此邦載藉之光是則予之所厚望也夫謹序

乾隆歲在己巳夏五月之吉

賜進士出身奉直大夫申州牧清苑張鉞撰

重印信陽州志序

吾邑志乘自乾隆己巳以來百七十餘年失修已久板佚書散徵文獻者咸憂之同學薛溫伯慨然引爲己任旁搜博採冀得完本重印之廣其傳以光前烈聞者樂許爭出所藏書爲助顧皆有所殘缺且殘缺大抵略同未能合爲完璧惟李君旭初黃君鵬程所出書殘缺較少其殘頁各以素紙承乏而文闕無徵美猶有憾最後於楊君樹滋家得一部所缺與李黃藏本適同獨有手鈔原文補綴完好然亦僅矣溫伯於是欣然以喜亟挾書邀余偕赴漢皋與鄭君彥冲協商付印曩者測繪之學未精原書附圖尙待改正茲刪道署州署城圖八景等僅存山脈河流學宮圖各一並以同學易宣三製之縣境圖合肥汪孝伯製之城治圖代其舊有擇手民之嫻文藝者面訂板式而授之余因是思人類志趣之不同文運升降所繫亦卽世運隆污之樞紐也是書自明季至清乾隆

間不及百年而再三修蓋關心文化好古愛鄉之人衆故風教淳美有乾嘉道光間百年之康樂嗣後外鑠內訌急功近利之習中人既深羣以讀書稽古爲無用斷簡殘篇先輩所傳爲家珍者子孫輒漫焉覆瓿不稍恤文敝俗嬗影響至鉅微是舉遲之數年將併今所僅存之緒餘亦且不復可求而吾邑數千年之文獻永絕矣余甚佩溫伯志趣之遠大而喜鄉里贊助者尙不乏其人也適本縣修志局屢蹶復起本省重修通志局亦專員四出徵材人心趣向如此或文運世運將有轉移之機耶謹誌之爲同志稱慶焉

民國乙丑元旦後三日邑人劉景向遂真甫序於漢皋客次

重印信陽州志目錄

首卷

序 目錄 姓氏 凡例 各圖

第一卷

天文志

星野

輿地志

沿革 疆域 形勝 山川 古蹟 風俗

第二卷

建置志

城池 公署 學宮 祠壇 書院 街坊 鄉村

集鋪 關梁 寺觀 倉廩 郵政 郵政 營房

第三卷

食貨志

重印信陽州志

目錄

十

戶口 田賦 解支 驛站 耗羨 雜稅 鹽引 物產

第四卷

典禮志

慶賀 接詔 鐸教 迎春 耕藉 文廟 武廟

祭壇 救護 祈禱 祭文 鄉飲 賓興 入學

第五卷

官師志

官秩 監司 知州 州判 儒學 吏目 驛丞

第六卷

官師志

宦績 武備

第七卷

選舉志

薦舉 進士 舉人 貢監 武舉

第八卷

人物志

忠義 孝行 政事 耆德 文學 武功 流寓

第九卷

人物志

義母 孝婦 烈女 貞節

第十卷

藝文志

詔制 訓表 奏疏 書論 記

第十一卷

藝文志

序 書事 傳 頌 贊 銘 碑 考

第十二卷

重印信陽州志

目錄

十一

藝文志

賦 古詩 歌行 五言律 七言律 排律

絕句 詩餘

續修信陽州志姓氏

鑒定

巡撫河南等處都察院右提督都軍務兼理河道世襲理三營田伯兵鄂容安廬亭滿洲鑲藍旗人癸丑

提督河南全省學政加三級蔡新葛山福建漳浦人丙辰

河南等處承宣布政使司布政使加一級富明滿洲鑲白旗人

河南等處提刑按察使司按察使加二級嚴有禧江蘇常熟人癸卯進士

河南開歸等處督理通省驛鹽水利糧務道按察使司副使加二級金山靜軒滿洲正黃旗人

河南分巡開歸陳三府兼管通省兵備河道按察使司副使加三級沈青崖寓舟順天大興縣人癸卯

河南分巡河北兵備道兼管彰衛懷三府布政使司叅政二級胡振組鳴玉順天大興縣人貢生

河南分巡河陝汝道按察使司副使加三級張學林圖東江南丹徒人歲貢生

裁定

河南分巡南汝光道兼管水利事務按察使司副使加三級任弘業開宗浙江山陰人庚戌

督理

河南南汝寧府知府加一級佟世表正藍旗人監生

重印信陽州志姓氏 十二

河南南汝寧府糧捕分府加一級樊天溥江南長洲人監生

纂修

信陽州知州張鉞穀亨直隸清苑人庚戌

叅訂

信陽州判趙瑛修五奉天鑲藍旗人監生

信陽州儒學正劉國傑子良滑縣人癸卯

信陽州儒學訓道楊道揆符一懷慶府人歲貢

較梓

信陽州吏目寶虎文炳如順天籍會稽人保舉

信陽州明港驛驛丞胡自英元載大興縣人陰人議叙

編輯

懷慶府原武縣儒學教諭萬侯定垣郡人乙卯

分輯

儒學廩膳生員郭際雍光四

儒學

廩

膳

生

員張大成

展也

儒學

廩

膳

生

員鍾璫

霞村

國學

生李揚發

詡萬

徵採

選

拔

貢

生李亦復

剛長

廩

生袁淳

子厚

廩

生崔師灝

畏白

生

員危映辰

著天

校對

儒

學

廩

生萬遴

廩

生王章

前修志姓氏

知州楊若梓

鄉紳何洛文

劉尙朴

順治十七年修志姓氏

知州賈待旌

鄉紳劉蓀芳

羅應選

何繼桂

張如芹

劉夢興

生員戴玘

何慶增

劉一鶴

黃墀

王星室

劉緒芳

劉彥芳

劉楫

康熙二十九年修志姓氏

知州陳昌言

恩貢生王補之

拔貢生張宰

凡例

一申陽志創於宗伯何公洛文成於大參劉公尙朴國朝定鼎景運維新一續於順治十有七年再續於康熙二十九年綜核亦彬彬矣自康熙三十年來距今五十五載風土人物政績文章衆著於郡邑者詎可闕如弗傳爰蒐羅裒輯條列如左其始修論贊則題曰舊志繼修論贊則題曰續志今有更端則以按字別之一星野分象於天文疆域綜攬乎形勢古蹟風俗舊志無容增損

一申陽爲楚豫接壤有三關之險歷代變遷靡常沿革一項核定頗難故舊志多有未確今博採群書備加稽考始鑿然有據堪証從前之誤

一群邑皆有景而舊志獨無況我申山河表秀往哲流芳舊跡頗多其灼然可名狀者亦約畧有八遊覽不

足資古有餘爰繪圖出之以誌其勝

一城池公署學宮倉厰村市歷年既久間有興廢廢者存名以備參考興者核實以便觀覽

一則壤定賦量地居民由來舊矣顧土田日益闢戶口日益繁賦稅人丁較前爲盛今準近年確冊及賦役全書詳記之以覘富庶之徵

一化民成俗典禮爲先舊志缺而未詳今運際昌隆文廟祠壇祀典儀章各有添設書院社學振起斯文皆詳具始末以彰明備之休至先賢先儒歷年既久木主多缺悉列其姓氏字籍以爲學人一助並便後來查補遺失

一官師類中前代官制各殊但以代次代中以年次監司體重書於州前自倅二以下亦以序次宦績多足不朽年遠苦於無徵故所傳董董